

詞

綜

補

遺

詞綜補遺卷十五

長洲陶樸緝

宋詞七十九首

朱 璵 三首

鞠花翁 二首

陳抑齋 一首

李子酉 一首

雷春伯 一首

鄭雪巖 一首

陸象澤 一首

李好古 一首

陳成之 一首

王公明 一首

李 璵 一首

王 蒼 一首

孫居敬 一首

宋自道 一首

薛子新 一首

榮樵仲 一首

宋德廣 一首

王師錫 一首

徐夢龍 一首

雷北湖 一首

朱用之 一首

錢六孫 一首

得趣居士周氏 一首

何光大 一首

楊子咸 一首

周容 一首

張 湜 一首

陳若晦 一首

張 頤 一首

姚孝寧 一首

俞克成 一首

陳人傑 二首

錢繼卓 一首

鄭 敬 一首

何守謙 二首

某教授 一首

施酒監 一首

李 璫 一首

無名氏 六首

釋晦庵 一首

張繼先 九首

徐冲淵 一首

龔大明 一首

朱真靜 一首

楊妹子 一首

太尉夫人 一首

劉 彤 一首

胡夫人 一首

范仲允妻 一首

章麗真 一首

袁正真 一首

張淑芳 二首

僧 兒 一首

尹溫儀 一首

言系利與卷一
嚴 藥 三首

蜀中妓 一首

乂 仙 一首

邱 氏 一首

朱

壇 字堯
章

點絳脣

見陽春白雪

繡被鴛鴦寶香薰透薔薇水枕邊一紙明月人千里
宿酒初醒全不忺梳洗擡纖指微籤玉齒百色思量起
畫堂春

綠窗睡起小妝殘玉釵低墮雲鬟回文枉寄見伊難心
緒闌珊 翠袖兩行珠淚畫樓十二闌干銷磨今古雲
時間恨煞青山

南鄉子

花柳隔重扇送過秋千笑語聲擔鵲也喚人起晚天晴
孤負東風趁踏青細細研紅綾小字相思寫不成心
上可人雲樣遠寒盟只恐恩情薄似雲

鞠花翁

吉水人

桂枝香

過溧水感羊角哀左伯桃遺事

丁丁起處在縱牧九京經燒殘樹時見烏鳶飢噪鴝鵒
妖呼數椽老屋團荒堵算何人鑿香來炷淡烟斜照閒
花野棠杳杳年度世事幾番雲覆雨獨此道嫌人拋
棄塵土眼裏長青誰也解如山否三三五五騎牛伴望

前村吹笛歸去柳青梨白春濃月淡蹋歌椎鼓

綺寮怨 月下殘碁

又見花陰如水兩心猶未平正坐久主客成三空無語
影落楸枰千年人間事業垂成處一着容易傾便解圍
小住何妨機鋒在瞬息天又明 甚似漢吳對營紛紛
不了孤光照徹連城又似殘星向零落有餘情姮娥笑
人遲暮念才力底便爭從虧又成何人正聽隔壁聲

陳抑齋

蘭陵王

角聲切何處梅梢弄雪還鄉夢玉井樓前千朵芙蓉插

空碧隣翁問消息爲說紅塵倦客應憐笑弓劍旌旗底
事留人未歸得淮山舊相識記急處笙歌靜裏鋒鏑
隋堤楊柳猶春色嗟十載人事幾番碁局青油年少已
鬢白漫惆悵京國朱墨困無力似病鶴樊籠老驥羈
勒夕陽不繫棲林翼待添竹東園種松西陌功名休問
吾老矣付俊傑

李子酉

號冰壺

玉樓春

紗窗春睡朦朧著相見尙懷相別惡夢隨城上角聲殘
淚逐樓前花片落東風不解吹愁却明月幾番乖後

約當時惟恐不多情今日情多無處著

雷春伯

沁園春

官滿作

問訊故園今加之何還勝昔無想舊畝蘭蕙依然葱蒨
新栽楊柳亦已扶疎韭本千畦芋根一畝雨老烟荒誰
爲鋤難忘者是竹吾愛甚梅汝知乎 茅亭低壓平湖
有狎鷺馴鷗尙可呼把絳紗準擬新官到也寒飈收拾
賤子歸歟畧整柴門更芟草徑惟有幽人解枉車丁寧
著與做添碁局砌換茶壚

鄒雪巖

水調歌頭

甲辰皖山寄治中秋招客

甫營亭子小花柳
新栽衰翁餘暇何妨領客少徘徊
堪歎人生離合恰似燕鴻來往
光景暗中催
蘆荻晚風起
明月滿沙隈
去年秋如此夜有誰陪
欲挽天河無路滿眼總塵埃
未了癡兒官事行止從來難定又趣到蘇臺
不作別離句共醉十分杯

陸象澤

象一作東

賀新郎

送靈山馮可久通守潯陽

笛喚春風起
向湖邊臘前折柳問君何意孤負梅花立
晴晝一舸淒涼雪底但小閣琴碁而已
佳客清朝留不

住爲匡廬只在家窗裏湓浦去兩程耳 草堂舊日談
經地更從容南山北水庾樓重倚萬卷心胸幾千古
首駸駸紫氣正江上風寒如此且趁霜天鱸魚好把貂
裘換酒長安市明夜去月千里

李好古

字仲敬

按李好古有碎錦詞一卷自署鄉貢免解進士
今按集中此詞不載當別是一人

謁金門

花過雨又是一番紅素燕子歸來愁不語舊巢無覓處
誰在玉關勞苦誰在玉樓歌舞若使胡塵吹得去東

風侯萬戶

陳成之

字伯可

小重山

恨入眉間熨不開日高猶未肯傍妝臺玉郎嘶騎不歸
來梁間燕猶自及時回粉淚汚香腮纖腰成瘦損有
人猜一春那識下香階春又去花落滿蒼苔

王公明

梅花引

裁征衣寄征衣萬里征人音信稀朝相思暮相思滴盡
真珠如今無淚垂閨中幼婦紅顏少應是玉關人更
老幾時歸幾時歸開盡牡丹看看看到茶蘼

李

蘄

字仲鎮

清平樂

亂雲將雨飛過鴛鴦浦人在小樓空翠處分得一襟離
緒片帆隱隱歸舟天邊雪卷雲浮今夜夢魂何處青
山不隔人愁

王

蒼

字箕洲

訴衷情

補成團扇繡殘工並帶瑞芙蓉花心欲就針折頻玉唾
殘茸尋斷緒怨西風寂寥中兩般時候舊月新霜曉
角昏鐘

孫居敬

喜遷鶯

曉行

宿醒初愈更花焰頻催葉蕉重舉濃露沾叢取風入樾
黃葉馬頭飛舞夢結尙依征旆笛怨誰教漁譜村路轉
見寒機燈在晨炊人語無據堪恨處殘月滿磔不念
人將旅天接山光雲拖雁影多少別離情緒繡被香溫
密熱羅帕粉痕重護這滋味最不堪兩髯菱花羞覷

宋自道

字吉甫
號蘭室

點絳脣

山雨初晴餘寒猶在東風軟滿庭苔蘚青子無人見

好客不來門外芳菲遍難銷遣流鶯聲轉坐看芭蕉展

薛子新

南鄉子

柳色鎖重樓樓上輕寒不滿鈎堆徑落紅深半指悠悠
飛絮簾櫳幾許愁逐日望歸舟暖藕全寬玉臂
得君來春去也休休未老鴛鴦早白頭

榮樵仲

水調歌頭

既難求富貴何處沒溪山不成天也不容我去樂清閒
短褐寬裁疎葛挂杖橫拖瘦玉著个竹皮冠
美影碧霞

裏長嘯翠微間 醉時歌狂時舞困時眠
翛然自得了 無一點俗相干
擬把清風明月剪作長篇短闕
留與世人看待倩月邊女歸去
借青鸞

宋德廣

阮郎歸

好風吹日過樓西樓前人影稀
杜鵑啼斷綠楊枝行人
知不知 紅蕖字斷腸詩從今懶
再題後園零落淡
脂似君初去時

王師錫

如夢令

竹上一樓嵐翠竹下一渠春水中有隱人居破屋數間而已無事無事靜夜月明千里

按此詞與鐵網珊瑚所載王容溪詞正同惟字

句小異

徐夢龍

字叔柔

醉太平

冰肌玉容情真意濃小樓幾度春風醉琉璃酒鍾
關
山萬重何時又逢思量雨跡雲蹤似襄王夢中

雷北湖

好事近

梅片作團飛雨外柳絲金濕客子短篷無據倚長風挂

席 回頭流水小橋東
烟掃畫樓出樓上有人凝佇似
舊家相識

朱用之

意難忘

和清真韻

宮額塗黃怕牋凝怨墨
酒漬離觴紅樓春寄夢青瑣夜
生香花氣暖柳陰涼
棹曲水滄浪愛弄嬌臨流梳洗顧
影低相 桃花結子成雙
縱題紅去後枉誤劉郎
琴心挑別恨鶯語學新妝
千萬恨惱愁腸便憔悴何妨待共
伊平消別後幾度風光

錢一孫

字若洲

踏莎行

征雁雲深亂蛩寒淺驚心怕見年華晚蕭疎堤柳不禁
霜江梅瘦影清相伴舞暗香茵歌闌團扇月明夢繞
天涯遠斷腸人在畫樓中東風不放珠簾捲

得趣居士周氏

瑞鶴仙

和丁基仲

畫樓簾捲翠正柳約東風搖蕩春霽細桃雨才洗似妝
臨寶鏡脂凝鉛水雲偏髻子墜釵梁羞看燕壘最堪憐
錦繡香中早有片紅飄砌閒記琴彈古調曲按清商
舊年時事屏山畫裏江南信夢中寄感春濃懷抱午醒

初解淺酌依然又醉傍闌干猶怯餘寒倦和袖倚

何光大

字謙履
號半湖

謁金門

見絕妙好詞

天似水池上藕花風起隔岸垂楊青到地亂螢飛又止
露濕玉闌閒倚人靜自生涼意泛碧沉朱供晚醉月
斜纔去睡

楊子咸

號學
舟

木蘭花慢

雨中茶蘼

紫凋紅落後忽十丈玉蚪橫堦衆綠幃中藍田璞碎鮫
室珠傾柔條繫風無力更不禁連日峭寒清空與蝶圓

香夢枉教鶯訴春情 深深苔徑悄無人 欄檻濕香塵
歎寶髻鬆粉鉛狼籍誰管飄零不愁素雲易散恨此
花開後更無春安得胡牀月夜玉醅滿蘸瑤英

周

容

字子寬
四明人

小重山

見浩然齋雅談

謝了梅花恨不禁小樓羞獨倚暮雲平夕陽微放柳梢
明東風冷眉岫翠寒生 無限遠山青重重遮不斷舊
離情傷春還上去年心怎禁得時節又燒燈

張

溫

字清源

祝英臺近

一番風連夜雨收拾做春暮艷冷香銷鶯燕慘無語曉
來綠水橋邊青門陌上不忍見落紅無數怎分付獨
倚紅藥闌干傷春甚情緒若取留春欲去去何處也知
春亦多情依依欲住子規道不如歸去

陳若晦

雲間人

滿庭芳

遊大滌賦

見洞霄詩集

玉洞深沉九峯回抱望中雲漢相侵暮春天氣宮殿翠
烟深一片山光滌淨溪月上碧水浮金瓊樓杪仙人度
曲空外響虛音龍香時暗引青鸞白鶴飛下秋陰露
華冷瓊珠點綴瑶林猶記華胥夢斷從別後幾許追尋

人間世逝川東注紅日又西沉

張

頤

構李

水調歌頭

徐高士游洞霄

雨後烟景綠春水漲桃花繁舟溪上筍與十里達平沙
路轉峯回勝處無數青燐玉樹縹緲羽人家樓觀倚空
碧水竹湛清華縱幽尋攜蠟屐上蒼霞古仙何在空
餘藥竈委巖窪他日倘然歸老乞取一庵雲臥隨分了
生涯底用更辛苦九聘鍊黃芽

姚孝寧

念奴嬌

月

見詩餘廣選

素娥睡起駕冰輪碾破一天秋綠醉倚高樓風露下凜
凜寒生肌粟橫管孤吹龍吟風勁雪浪翻銀屋壯遊回
首會稽何限修竹 今夜對月依然樽前須快瀉山頭
鳴瀑吸此清光傾肺腑洗我明珠千斛只恐嬋娟明年
依舊衰髯先成鵠舉杯相勸爲予且挂團玉

俞克成

蝶戀花

海燕雙來歸畫棟簾幙無風花影頻搖動半醉海棠春
睡重綠鬟堆枕香雲擁 翠被雙盤金縷鳳憶得前春
有箇人人共花裏鶯聲時一弄日斜驚破相思夢

陳人傑

沁園春

吳興懷古

見浙江通志

落日都門買得扁舟乘興而東正苕川半夜月寒似水
蘋洲一路秋老多風攜妓溪山尋春歲月往事黃梁昨
夢中高樓上問何人懷古湖海元龍 諸君薜蘿相逢
更休問奚奴金錯空向瑣窗看鏡髻無霜白玉卬揮酒
臉有潮紅萼美鱸肥橙香蟹壯風味不如歸興濃明朝
去有西門一水直與天通

又 西湖酒樓

南北戰爭惟有西湖長如太平看高樓倚郭雲邊矗棟

小亭連苑波上飛
薨太守風流遊人歡暢氣象年來都
斬新秋千外賸
釵騎玉燕酒列金鯨
人生樂事良辰
况鶯燕聲中長是晴正風嘶寶馬軟紅不動烟分彩鷁
澄碧無聲倚柳分題藉花傳令滿眼繁華無恨情誰知
道有種梅處士貧裏看春

錢繼卓

沁園春

西泠橋作

見西湖志

已遠喧闐漸覺幽涼無過西泠正微霜欲下滿船楓葉
枯荷未盡幾點殘螢鐘入蒼烟山粘遠樹拋卷方知午
夢醒悠然起看文魚唼藻野鶴梳翎
安排綠酒青燈

擬陶寫閒愁向水汀
恰蕙絲調醕新登蟹俎
蕨芽研粉留作蓴羹
頗怪山童近添閒供
露菊秋葵插滿瓶
陶然醉任人呼馬走
我已鴻冥

鄭 燮

金縷衣

武夷慢亭峰

見福建通志

秋半虹橋路是曾孫幾
塵夙幸此生奇遇天上
人間同宴集仙樂風飄
處處徧紛郁非烟非霧
光近玉皇顏咫尺共歡
呼鰲抃霞觴舉高會散
碧雲暮至今瑞鶴猶能
舞幾千年同亭祠下餐
神簫鼓再拜乞靈三酌
酒小駐霓旌容與半隱
約如傳好語爲送維魚
來入夢向龍

潭徧灑霏霏雨齊和曲踏歌去

何守謙

臨江仙

九曲二首

山下清溪溪上渡舟回九曲皆奇諸峯羅列翠屏圍烟霞今閭苑花草昔瑤池念念神仙無覓處洞天留在靈祠從教猿鶴笑吾癡還山非不樂未忍負明時

又

夢寐武夷仙島上一來欲浣羈愁山靈何事厭人遊白雲封洞口微雨暗溪頭顧我平生非俗客豈冠此日清流好將仙籍姓名收他年勲業了準擬卜菟裘

某教授

貴耳集楊誠齋師某處有教授狎一官妓誠齋怒黥妓之面押往謝辭教授是欲愧之教授延入酌酒爲別賦眼兒媚云云誠齋得詞方知教授爲文上卽舉妓送之

眼兒媚

髣邊一點似飛鴉莫把翠鈿遮三年兩載千擱百就今日天涯楊花又逐東風去隨分落誰家若還忘得除非睡迴不照菱花

施酒監

詞苑叢談載杭妓樂苑與施善施嘗贈以此詞

卜算子

相逢情更深恨不相逢早識盡千千萬萬人終不似伊
家好 別爾登長道轉覺添煩惱樓外朱樓獨倚欄滿
目圖芳草

李

璫

李全子小字松壽濰州人或曰衛州徐氏子
父爲揚州司理全養之爲子太宗三年全攻
宋揚州敗死璫襲爲益都行省中統元年加
江淮大都督後以漣海二城降宋爲元兵所
獲
詞苑叢談載宋人尙詞天南地北一調載之
詞品是綠林之豪亦知柔翰也璫係李全之
子語雖嚴豪亦自伉爽全雖叛逆跋扈璫乃
盡力于宋其意於此詞已微露矣

水龍吟

腰刀帕首從軍戍樓獨倚閒凝眺中原氣象狐居兔穴

暮烟殘照投筆書懷枕戈待旦隴西年少嘆光陰掣電
易生髀肉不如易腔改調 世變滄海成田奈羣生幾
番驚擾干戈爛漫無時休息憑誰駐掃眼底山河幾年
事業一聲長嘯太平時相將近也穩穩百年燕趙

無名氏

花心動

粉蝶雲齊度清笳愁入暮烟林杪素艷透春玉骨淒涼
勾帶月痕生早江天莽蒼黃昏後依然是粉寒香瘦動
追感西園嫩約夜深人悄 記得東風窈窕曾夜踏橫
斜醉攜嬌小惆悵舊歡回首俱非忍看綠牋紅豆香銷

紙帳人孤寢相思恨花邊知否夢回處霜飛翠樓已曉
按陽春白雪原註云得於江西歌者而不知名氏

江城梅花引

娟娟霜月冷侵門怕黃昏早黃昏手撚梅花無語對芳
尊酒又不禁愁未醒斷魂遠一更更斷魂斷魂斷
魂空斷魂被兒裏香半溫睡也睡也睡不穩誰與溫存
惟有窗前殘燭照啼痕深夜不眠聽畫角人瘦也比梅
花瘦幾分按此調八十七字陽春白雪共載四調惟洪皓於後半闕第一句第三句應押平者俱押仄韻與此稍異又詞律以此爲康輿之作字句多有不同今從宋本仍歸入無名氏詞

戀繡衾

元宵三五酒半醺馬蹄前步步是春鬧市裏看燈去喜
金吾不禁夜深如今老大都休也未黃昏先閉上門
待月到窗兒上對梅花如對故人

阮郎歸

薄羅生色畫醺醺醺醺滿架時隔池貪看燕爭泥墜雙
紅荔支銷金字晚唐詩夾紗團扇兒自遮微雨傍花
歸箇情天得知

祝英臺近

客羶寒蘭房悄金鑪爇紅獸好个霜天消遣正宜酒嫩
橙初截鶯肪肌膚香透又還記吳姬纖手事難偶墨

東空染梨牋新詞謾題就酒薄愁濃鼓枕聽寒漏可堪
霜月亭亭照人無寐映窗外一枝梅瘦

詞苑叢談紹興庚午台之黃巖妓有謝姓者
與楊芳情好甚篤爲姬所制相約投之江好
事者作此詞以弔之

望海潮

彩筒角黍蘭橈盡舫佳節競弔沅湘古意未收新詞又
起離魂流水茫茫堪笑又堪傷有臨臯仙子連壁檀郎
暗約同歸遠烟深處弄滄浪倚樓魂已飛揚 共偷揮

玉筯痛飲霞觴烟水無情揉花碎玉空餘怨柳淒涼楊
謝舊遺芳算世間縱有不恁非常但看芙蓉並蒂他日

一雙雙

釋晦庵

鶴林玉露世傳詞爲朱文公作余讀而疑之以爲此特安分無求者之詞耳後官容南節推翁謗爲余言其所在與文公隣嘗舉此詞問公公曰非某作也乃一僧作其僧亦號晦庵云

滿江紅

膠擾勞生待足後何時是足據見定隨家豐儉便堪龜
縮得意濃時休進步須知世事多翻覆漫教人白了少
年頭徒碌碌誰不愛黃金屋誰不羨千鍾祿柰五行
不是這般題目枉費心神空計較兒孫自有兒孫福不

須採藥訪神仙惟寡欲

張繼先

字嘉聞，嗣漢三十代天師，崇寧中賜號虛靖先生，有《虛靖詞》一卷。

憶桃源

蔡師元款予及神翁侍宸師元發問子如，何是修鍊之術？予走筆成小詞以答之。

白雲堆裏採芙蓉，枝枝香艷濃。
靈龜岸畔起祥風，樓高十二重。
黃金殿，碧雲籠，丹砂透頂紅。
神機運處鬼神通，清真達上宮。

洞仙歌

孤峯絕頂更無人，能到萬里虛空沒邊徼。
正秋高景靜，霧捲雲收，風露裏惟有月華高照。
浮生紛過客，好天良夜，醉舞狂歌，錯昏曉。
有誰知一性圓滿，恒河亘萬古。

光明不老競對月論利與談名全不想駒陰暗催年少

望江南

某喜西源壁立峻峙無一俗狀疎松密竹四通九達青玉交輝天作高山地靈若此

常相謂日身處真人之墟而不知也登戲珠峯以見虎蹲龍攝遠壁遙岑皆在其下考室在靖姓名榜之水中花圃中蔬山光竹新石屋逾靜得其居矣昔之思歸見十二篇之曲同聲相應故和之

西源好仙構占仙峯一鶴性靈清我宇萬龍風雨亂霜
空高靜太疎懶天地樂山水靜流通行坐卧憐塵外
景虛空寂是道家風非細樂相從

又

西源好春日日初長不看人間三月景常思天上萬花

鄉幽賞一時狂 歌笑也空洞大歌章千景

原註一淨
作業

來風谷秀三雲歸後月林光沉麝似蘭香

又

西源好秋景道人憐時至自然天氣爽夜涼猶喜月華
圓長笑碧厓巔 須信酒難別詠歌邊是處伐薪爲炭
後此時嘗稻慶豐年童子舞胎仙

又

西源好雨霽斂紅砂碧水靜招搖釣叟綠岩寒迺起漁
家攜鷺會春茶 風浩浩錦蔭石屏華濯鼎上方敲翠
竹轆轤西去碎丹砂休問樂津涯

又 寄明權

秋夜事月裏竹亭亭清籟與誰喧池水微風遣我下簷
櫺圓缺若爲情終南道累寄笑歌聲丹闕夜涼通馬
去黃河天曉照舟橫聯轡去還成

江神子

彩雲樓閣瑞烟平雨初晴月朦明夜靜天風吹下步虛
聲何處朝元歸去晚雙鳳小五雲輕落花流水兩闌
情恨無憑夢難成倚徧闌干依舊楚風清露滴松梢人
靜也同寶篆誦黃庭

鵲橋仙 寄明權

神清心妙山長水遠有分何年瞻望晴空一片彩雲飛
又起我無窮想像 一易門徑九華恩露惟願分明指

向好風頻起紫微烟似有意許吾歸鄉

原注去聲

徐冲淵

字叔靜姑蘇人自號棲霞子淳熙中被召居
太一宮高士齋已而奉詔典洞霄通明館孝

宗召與佑聖觀
神霄有百游集

水調歌頭

懷山中

見洞霄詩集

窮達付天命生死見交情人今老矣口口狗苟與蠅營
贏得一頭霜雪閒卻五湖風月鷗鳥負前盟顏厚已如
甲太息誤平生 想箕山懷潁水抱餘清只今歸去滄
浪深處濯吾纓笑撫山中泉石細說人間荆棘有道苦

難行好補青蘿屋且占白雲耕

龔大明

號山隱

西江月 書懷

見洞霄詩集

我本無爲野客飄飄浪跡人間一時被命住名山未免
隨機應變 識破塵勞擾擾何如樂取清閒流霞細酌
詠詩篇且與白雲爲伴

朱真靜

字雪厓

按洞霄詩集載本山高道龔大明贈道友雪厓朱先生詩清高絕俗雪厓翁向上元機頓
觀通金鼎有丹成九轉凝然宴坐白雲中雪
厓亦有石室庵夜坐詩青燈寒焰弄微明燈
與幽人一樣清案上黃庭渾嬾看時聞敗葉
打窗聲

摸魚子

對西風髣髴插烟碧參差前事流水紫絲蘿帶鴛鴦結的
的鏡盟釵誓渾不記設手織回文幾度秋心碎安花著
帶奈雨覆雲翻情寬分窄石上玉簪脆 朱樓外愁壓
空雲欲墜月痕猶照無寐陰晴也只隨天意枉了玉銷
香悴君且醉君不見長門青草春風淚一時左計悔不
蚤釵荆暮天修竹頭白倚寒翠

楊妹子

項鼎鉉呼桓日記鑑臺叔出觀馬遠單條四
幅俱楊妹子題後有楊娃之章一小方印
姜紹書韻石齋筆談楊妹子乃宋寧宗皇后
妹其書類寧宗凡御府馬遠畫多命題詠余

詩經補遺卷十五
曾見馬遠松院鳴琴小幅楊娃題其左方云

訴衷情 題馬遠松院鳴琴

閒中一弄七絃琴此曲少知音多因淡然無味不比鄭
聲淫 松院靜竹林深夜沉沉清風拂軫明月當軒誰
會幽心

太尉夫人

彭彖墨客揮犀仁廟時皇族中太尉夫人一
日人內再拜告帝曰臣妾有夫不幸爲婢妾
所惑帝怒流婢于千里夫人亦得罪居瑤華
宮太尉罰俸而不得朝經歲方春暮夫人爲
詞曲名極相思或加令字

極相思

柳烟霽色方晴花露逼金華秋千院落海棠漸老纔過
清明嫩玉腕託香脂臉相傳粉更與誰情秋波綻處
相思淚迸天阻深誠

劉彤

字文美江寧
章文虎妻

茗溪漁隱叢話文美工詩詞嘗有詞寄文虎
云云又云向日寄去詩曲非敢爲工蓋欲道
衷腸萬一耳何不掩惡輒示他人適足取笑
文美也本不復作然意有所感不能自己小
草二章章四句奉寄其一云碧紗窗外一聲
蟬牽斷愁腸嬾晝眠千里才郎歸未得無言
空撥玉釵烟其二云畫扇停揮白日長清風
細細襲羅裳女童來報新筠熟安得良人共
一觴

臨江仙

千里長安名利客，輕離輕散尋常難禁。
三月好風光滿，堦芳草綠一片。
杏花香，記得年時臨上馬，看人眼淚。
汪汪如今不忍更思量，恨無千日酒空，斷九迴腸。

胡夫人

號惠齋平江人，給事某女，尚書黃子由之室，能文章，兼通書畫。

百字令

凡上疑塵巖畫梅一枝外篇

見皇宋書錄

小齋幽僻久無人，到此滿地狼籍。
几案塵生多少，憾把玉指親傳蹤跡。
畫出南枝正開側面，花葉俱端的。
可憐風韻故人難寄消息，非共雪月交光，這般造化豈費東君力。
只欠清香來撲鼻，亦有天然標格，不上寒窗不隨流水，應不餽宮額，不愁三美祇愁羅袖輕拂。

范仲允妻

詞苑叢談范仲允爲相州錄事久不歸其妻寄伊川令一闕伊字誤寫尹字仲允答詞嘲有料想伊家不要人之句

伊川令

西風昨夜穿簾幕
閨院添蕭索
最是梧桐零落
迤邐秋光過
却人情音信難託
教奴獨自守空房
淚珠與燈花共落

章麗真

長相思 送汪水雲還吳
見宋舊宮人詩詞

吳山秋越山秋
吳越兩山相對愁
長江不盡流
風颺

詩經補遺卷十三
雨颼颼萬里歸人空白頭南冠泣楚囚

袁正真

長相思 前題

南高峰北高峰南北高峰雲淡濃湖山圖畫中 采芙

蓉賞芙蓉小小紅船西復東相思無路通

張淑芳

田藝蘅西湖志餘張淑芳西湖樵家女理宗
選如日賈似道匿以爲已妾卽德佑太學生
百字令中所指新塘楊柳也有無名氏題壁
曰山上樓臺湖上船平章醉後嬌朝天羽書
莫報樊城急新得蛾眉正少年淑芳亦知必
敗營別業以逕跡焉木棉之後自度爲尼罕
有知者詞數闕今錄其浣溪沙更漏子云云
至今五雲山下九溪塢尚有尼菴

浣溪沙

散步山前春草香
朱闌綠水繞吟廊
花枝驚墮繡衣裳
或定或搖江上柳
爲鸞爲鳳月中篁
爲誰掩却鎖雲窗

更漏子

墨痕香
紅蠟淚
點點愁人離思
桐葉落
蓼花殘
雁聲天
外寒
五雲嶺
九溪塢
待到秋來更苦
風淅淅
水淙淙
不教蓬徑通

僧兒

若溪漁隱叢話廣漢妓僧兒秀外慧中善填詞有姓戴者忘其名兩作漢守寵之旣而得

請玉局之祠以歸僧兒作滿庭芳以見意云

滿庭芳

團菊苞金叢蘭減翠畫成秋暮風烟使君歸去千里倍
潸然兩度朱轡雁水全勝得陶侃當年如何見一時盛
事都在送行篇 愁煩梳洗嬾尋思陪宴把月湖邊有
多少風流往事縈牽聞道霓旌羽駕看看是玉局神仙
應相許衝雲破霧一到洞中天

尹溫儀

花草粹編成都妓尹溫儀本良家女失身妓
籍蔡相帥成都酷愛之尹告蔡乞除樂籍蔡
戲曰若樽前成一小閨便可除免尹曰乞腔
調蔡答以西江月尹又乞嚴韻蔡曰汝排十

九用九字卽便應聲成詞蓋蔡取第九人弟
元度十一人也

西江月

韓愈文章蓋世謝安才貌風流良辰開宴在西樓敢勸

一杯芳酒 記得南宮高遇弟兄獨占鰲頭一門金殿

御香浮名在甲科第九

嚴 藥

字初芳天台營妓

齊東野語藥善琴奕歌舞絲竹書畫色藝冠
一時問作詩詞有新語唐與正守台日頗鍾
愛之七夕郡齋開宴豪士謝元卿夙聞其名
卽席命作詞爲之心醉留其家半載盡客囊
贈之而去後朱晦庵以使節行部至台欲撫
與正之罪遂指其與藥爲濫繫獄月餘藥雖
備受箠楚而一語不及唐移籍紹興且復就
越置獄鞠之久不得其情未幾朱公改除郎

詞綜補遺卷十五

五

霖商卿爲憲命藥作詞自陳卽日判令從良
旣而宗室近屬納爲小婦焉

如夢令

唐與正太守命賦紅白桃花

道是梨花不是道是杏花不是白白與紅紅別是東風
情味曾記曾記人在武陵微醉

鵲橋仙

七夕謝元卿命以己姓爲韻卽席口占

碧梧初墜桂香纔吐池上水花微謝穿針人在合歡樓
正月露玉盤高瀉蛛忙鵲懶耕慵織倦空做古今佳
話人間剛道隔年期在天上方纔隔夜

卜笑子

上邱商卿憲使

不是愛風塵似被前緣誤花落花開自有時總賴東君

主 去也終須去住也如何住若得山花插滿頭莫問
奴歸處

蜀中妓

齊東野語蜀娼類能文蓋薛濤之遺風也放
翁客自蜀挾一妓歸蓄之別室率數日一往
偶以病少疏妓頗疑之客作詞自解妓卽韻
答之云云或謗翁嘗挾蜀尼以歸卽此也

鵲橋仙

說盟說誓說情說意動便春愁滿紙多應會得脫空經
是那個先生教底 不茶不飯不言不語一味供他憔悴
相思已是不曾閒又那得工夫咒你

乩仙

齊東野語宋慶之寓永嘉時遇詔歲鄉士從之者頗衆適七夕會飲有僧法辨善五星在座每以入煞爲說衆號爲辨入煞酒間一士致仙扣試事忽箕動神降宋怪之漫云姑置此且求七夕一詞如何復請韻宋指辨云以入煞爲韻忽運箕如飛成此詞羣誇其警敏

鵲橋仙

七夕

鸞輿初駕牛車齊發隱隱鵲橋伊軋尤雲滯雨正歡濃但只怕來朝初八霞垂綵幔月明銀燭馥郁香噴金鴨年年此際一相逢未審是甚時結煞

邱氏

樂府紀聞舒信道中丞宅在明州子弟羣處有一舒于燈下忽見女子自稱邱氏舉手代拍歌燭影搖紅一解遂相從月餘家人以爲祟延法士治之則一池中物也

燭影搖紅

綠靜波光淺寒先到芙蓉島謝池幽夢屬才郎幾度生
春草恨鎖橫波遠山淺黛無人掃湘江人去歎無依
此意從誰表喜趁良宵月皎况難逢人間雨好莫辭沉
醉醉入屏山只愁天曉

詞綜補遺卷十五

詞綜補遺卷十六

長洲 陶 樸 緝

金詞六十八首

海陵庶人 三首

世宗皇帝 一首

章宗皇帝 二首

宇文虛中 一首

元德明 一首

僕散汝弼 一首

任 詢 一首

孟宗獻 一首

張行信 一首

馮延登 一首

李俊民 五首

許 古 二首

劉 昂 一首

雷 淵 一首

辛 愿 一首

白 樸 四十首

曹光輔 一首

李仁山 一首

釋志璉 一首

王 壽 一首

馬 鉉 一首

無名氏 一首

海陵庶人

名亮皇統己巳卽位改元天德貞元正隆在位十三年大定初追廢爲庶人

宋程顥鈔海陵未篡初封岐王爲平章政事頗知書好爲詩詞語出輒崛強懟懟有不爲人下之意境內多傳之觀其所存寓一二於十百其桀驁之氣已溢於辭表他蓋可知也

昭君怨 詠雪

昨日樵村漁浦今日瓊洲玉消山色捲簾看老峯巒
錦帳美人貪睡不覺天花朝水驚問是楊花是蘆花

鵲橋仙

中秋待月不至

停杯不舉停歌不發等候銀蟾出海不知何處片雲來
做許大通天障礙虬髯撼斷星眸睜裂惟恨劍鋒不
快一揮截斷紫雲腰子細看嫦娥體態

喜遷鶯

賜御前都統驃騎衛大將軍韓邦

旌麾初舉正駉驤力健嘶風江渚射虎將軍落鵬都尉
繡帽錦袍翹楚怒礮戰鬬爭奮捲地一聲鼙鼓笑談項
合長江齊楚六師飛渡此去無自墮金印如斗獨把
功名攜取斷鎖機謀垂鞭方畧人事本無今古試展卧
龍韜蘊果見成功且暮問江左想雲霓切望元黃迎路

世宗皇帝

諱雍本名烏祿太祖孫正隆六年辛巳即位於東京改元大定在位二十九年

法苑春秋金世宗賜元悟玉禪師長短句云云師獻和云無爲無作認著無爲還是縛照用同時電捲星流已太遲非心非佛喚作非心猶是佛人境似空萬象森羅一境中世宗嘗以手心書非心非佛四字故及之

滅字木蘭花 賜元悟玉禪師

但能了淨萬法因緣何足問日月無爲十二時中更不疑
常須自在識取從來無罣礙佛佛心心佛若休心
也是塵

章宗皇帝

諱璟世宗嫡孫以大定二十九年巳酉嗣位改元明昌承安泰和在位二十年

劉祁歸潛志章宗天姿聰悟詩詞多有可稱者宮中絕句云五雲金碧拱朝霞樓閣野條

帝子家三十六宮簾盡捲東風無處不楊花
真帝王詩也又有聚骨扇掌橙爲軟金杯詞
云云

蝶戀花 聚骨扇

幾股湘江龍骨瘦巧樣翻騰疊作湘波皺金縷小鈿花
草闕翠條更結同心扣金殿珠簾閒永晝一握清風
楚喜懷中透忽聽傳宣須急奏輕輕褪入香羅袖

生查子 軟金杯

風流紫府郎痛飲烏紗岸柔軟九迴腸冷怯玻璃盃
纖纖白玉蕊分破黃金彈借得洞庭春飛上桃花面

字文虛中

字叔通成都華陽人大觀三年進士以資
政殿大學士使金見留爲翰林學士承旨

加特進選禮部尚書封河內郡開國公後爲
忌者誣以謀叛老幼百口同日焚死淳熙間
諡蕭

愍

碧雞漫志宇文叔通久留金甌不得歸立春
日作迎春樂曲云云

迎春樂

立春

寶幡彩勝堆金縷雙燕釵頭舞人間要識春來處天際
雁江邊樹故國鶯花又誰主念憔悴幾年羈旅把酒
祝東風吹取人歸去

元德明

秀容人拓拔魏之後裔累舉不第放
浪山水間有東巖集子好問最知名

好事近

和蔡丞相詠茶

見詩餘廣選

夢破打門聲有客袖攜團月喚起玉川高興煮松檟晴

雪蓬萊千古一清風人境兩超絕覺我胸中黃卷被
春雲香徹

僕散汝弼

字良弼
古齊人

臨潼石刻署云近侍副使僕散公博學能文
尤工於詩昔過華清嘗作風流子長短句題
之於壁其清新婉麗不減秦晏四方衣冠爭
誦傳之稱爲今之絕唱恐久而湮滅命刻於
石以傳不朽正大三年重九日承務郎主簿
慕前記

按楊升庵丹鉛總錄載此詞不著名姓又稱
石已磨爲別刻今臨潼尙存此碑益知升庵
之妄

風流子

三郎年少客風流夢繡嶺蠶瑤環看浴酒發春海棠睡

暖笑波生媚荔子。漿寒況此際。曲江人不見。偃月事無
端。羯鼓數聲打。開蜀道霓裳一曲舞。破潼關。馬嵬西
去路。愁來無會處。但淚滿關山。頓有紫囊來進錦鞵傳
看。嘆玉笛聲沉樓頭月下。金釵信杳天上。人間幾度秋
風。渭水落葉長安。

任詢

字君謨號南麓易州軍市人父貴遊江浙生
詢於處州登正隆二年進士歷省掾大名總
幕益都都司判官北京
鹽司課殿降秦州節廳

按金史詢書爲當時第一畫亦人妙品評者
謂畫高於書書高於詩詩高於文然王庭筠
獨以才具許之

永遇樂

見歷代詩餘

月已中秋菊還重九夜久涼重滿地清霜半天白曉孤
唱聞耕隴蕭蕭幾几依然琴研但覺鼠窺風動悔生平
趨前猛甚晚退却成無勇 興衰更換妍媸淆混造物
大相愚弄三疊羞人五交賈讐侯伯寧無種而今此念
消除都盡惟有故山歸夢吾廬更雙溪清遠萬峯翠擁
孟宗獻
字友之開封人大定三年鄉府省御四試皆
第一天下號孟四元除供奉翰林轉曹王府
文學兼記室尋授同知單州軍州
事丁內憂哀毀卒自號虛靜居士
歸潛志孟友之雖仕不甚貴頗恬淡留意養生術嘗著金丹賦行於世

菩薩蠻

見中州樂府

睡驚秋近鳴蟲砌蒼鬢慘勻霜影孤燈翳冷長歎浩歌

狂按此係回文體各就本句倒轉讀之卽得四十四字

張行信

字信甫先名行忠以避末帝舊諱改莒州人

大定二十八年進士歷官禮部尙書拜參知政事爲近侍所譖出鎮涇州正大初召拜左丞

歸潛志張左丞爲人簡質不修威儀惡衣糲食如貧士致仕家居惟以鈔書教子孫爲事葺園池東城號靜隱亭時時游詠其間初至南京父瞻以御史大夫致仕兄行簡爲翰林學士承旨公爲禮部尙書諸子弟多中第居官當世末之有也

驀山溪

見陝西通志

山河百二自古關中好壯歲喜功名擁征鞍雕裘繡帽時移事改萍梗落江湖聽楚語厭蠻歌往事知多少

蒼顏白髮故里忻重到老馬省曾行也頻嘶冷烟殘照

終南山色不改舊時青長安過一回來須信一回老

馮延登

字子駿吉州人承安二年進士累遷吏部郎中翰林待制正大末奉命北使見留使招鳳

翔不從欲殺者久之割其鬚髯賜管豐州二年乃得還天興初授吏部侍郎京城陷自投

井中死有橫溪翁集

歸潛志馮吏部爲人謹厚吏事亦精篤學問長年猶不輟在公署日鈔書爲文苦思尙奇

澠詩亦新巧可稱

元遣山中州樂府子駿勁骨正氣可與洪忠宣文信國並傳其所作玉樓春臨江仙諸詞亦不減天涯池館雨過霞明之句也

玉樓春

宴河中瑞雲亭

見山西通志

長原迤邐孤麋卧野色微茫河界破草承行屢綠雪深

花觸飛丸紅雨爰高亭初試煎茶火醉玉漸譁春滿

座行盃莫厭轉籌頻佳節等閑飛鳥過

李俊民

字用章澤州人唐韓王元嘉後承安五年進士第一應奉翰林文字金南遷後隱居嵩山自號鳴鶴道人元世祖以安車召見仍乞還山卒賜諡莊靖先生有莊靖集詞附四庫全書總目俊民入元後集中祇書甲子隱然自比陶潛故所作詩類多幽憂激烈之音繫念宗邦寄懷深遠不徒以清新奇崛爲工文格冲澹和平具有高致亦復似其爲人雖博大不及元好問抑亦其亞矣

洞仙歌 謝楊誠之寄梅

隴頭瀟灑辜負尋芳眼浪蘂浮花問名懶縱看看驛使帶得春來祇恐怕綠葉成陰子滿暗香無恙否月落參橫惆悵羅浮夢魂短賴故人情重不減西湖花一月

分我黃昏一半更選甚南枝與北枝是一種春風待爭
寒暖

摸魚兒

送姪謙甫出山

這光景能銷幾度大都數十寒暑結廬人在山深處萬
壑千巖風雨朝復暮甚不管堂堂背我青春去高情自
許似野鶴孤雲江鷗遠水此興有誰阻功名事休歎
儒冠多誤韓顛彭蹶無數一溪隔斷桃源路只有人家
雞黍歌且舞更不住醉中時出烟霞語暫來樵斧貪看
兩爭碁人間不道俯仰成今古

謁金門

探梅

誰便道昨夜雪中開了次第不將消息報探芳人草草
宜在嫩寒清曉與比孤山更好籬落逢花須醉倒惜
花人易老

滿江紅

和張文玘

宿酒纔醒聽喚起一聲春曉無限恨滿城風絮一川烟
草年少拋人容易去萬紅千紫都開了試但教頭上插
花枝花應笑狂言在人絕倒狂藥盡愁難掃待丁寧
囑付再來青鳥團扇不堪題往事斷絃惟恨知音少但
時時頻把鏡來看人將老

點絳脣

重陽菊間小酌同申元帥

秋樹風高可憐憔悴門前柳白衣去後閒却持杯手

一笑相逢落帽年時友君知否南山如舊人比黃花瘦

許

古

字道真河間人承安中進士南渡爲侍御史時丞相术虎高琪亂政上章劾之卒爲所中貶鳳翔判官正大初召爲補闕遷左司諫後致仕卜居嵩山年七十四卒

眼兒媚

見歷代詩餘

濁醪筍得玉爲漿風韻帶橙香持杯笑道鵝黃似酒酒
似鵝黃 世緣老矣不思量沉醉又何妨臨風對月山
歌野調儘我疎狂

行香子

秋入鳴皋爽氣飄蕭挂衣冠初脫塵勞窗間巖岫看盡

言家類卷一
昏朝夜山低晴山近曉山高
細數閒來幾處村醪醉
模糊信手揮毫等閒陶寫問甚風騷樂因循能潦倒也
逍遙

劉

昂

字次霄濟南人官鄆平令

歸潛志次霄有才譽以先有劉昂之昂故號
小劉昂泰和南征作樂章一闕上平西爲時
所傳詞云云
按齊東野語以此詞爲元帥乾石烈子仁作
且云子仁蓋女真之能文者故敢肆言無憚
如此是時南北分隔草窗所述或係傳聞之
詞似不若歸潛志爲可據也

上平西

按此詞卽金人捧露盤詞律作上西平誤

黃鉞搖螳臂振舊盟寒恃洞庭彭蠡狂瀾天兵小試

蹄一飲楚江乾捷書飛上九重天春滿長安 舜文明

唐日月周禮樂漢衣冠洗五川烟瘴江山全蜀下也劍

關何用一泥丸有人傳信口邊來都護先還

雷淵

字希顏一字季默渾源人至寧初進士調涇州錄事遷東阿令授徐州觀察判官典定末

拜監察御史以事罷起爲太常博士調

南京轉運使戶籍判官終翰林修撰

歸潛志雷翰林淵幼喪父以孤童入太學從

李屏山游遂知名爲文章專法昌黎尤長敘

事詩雜坡谷喜新奇好收古人書畫碑刻喜

結交凡常途貴要與布衣名士無不往來居

京師賓客踵門未嘗去舍後進經品題以爲

榮

水調歌頭

元好問李獻能游玉華谷少姨祠於壁間得漢末田疇詩見歷代詩餘

雲山有宮闕浩蕩玉華秋何年鸞鷟同侶清夢入真遊

細看詩中元鼎似道區區東井冠帶事崑邱壞壁澆風
雨醉墨失蛟蚪問詩仙緣底事愧幽州知音定在何
處此語爲誰留世外青天明月世上紅塵白日我亦厭
羣湫一笑拂衣去崧頂坐垂鈎

辛愿

字敬之福昌人年二十五始杜門讀書學成
不仕隱居女几山下時往來長水永寧間自
號女几野人又號溪南詩老

詞苑叢談載元光初李欽叔與元裕之在孟
津幸敬之自女几來爲留數日嘗共游河山
亭敬之賦此詞留別二人云
按元遺山編中州集以辛敬之爲知己三人
之一其序楊飛卿陶然集謂貞祐後詩學爲
盛洛西辛敬之淄川楊叔能太原李長源龍
坊雷伯威北平王子正皆號稱專門又序楊
叔能小亭集謂金南渡後學詩者惟辛敬之

楊叔能以唐人爲指歸

臨江仙

游河山亭留別李欽叔元裕之

誰識虎頭峯下客少年有意功名清朝無路到公卿蕭蕭華屋白髮老諸生邂逅對牀逢二妙揮毫落紙堪驚他年聯袂上蓬瀛春風蓮燭莫忘此時情

白

樸

字仁甫一字太素號蘭谷真定人父某爲金樞密院判兵亂相失寄居元遺山家得其指

授金亡後被薦不出徙居金陵放浪詩酒尤精度曲有天籟集二卷

四庫全書總目樸詞清雋婉逸意愜韻諧可與張炎詞相匹惟以製曲擅其詞名又沈晦

者越數百年詞家選本均不載其姓字朱彛尊輯詞綜時亦尙未見其本書成之後乃得

之書雖晚出其詞采氣韻皆非後人所能固

一望而知爲宋元人語矣

王博文序云太素與子三十年之舊嘗與子言作詩不及唐人平生留意長短句散失之餘僅二百篇讀之數過辭語道麗情寄高遠音節協和輕重穩愜凡當歌對酒感事興懷皆自肺腑流出子因以天籟名之

朱彝尊跋蘭谷詞源出蘇辛而絕無叫囂之氣自是名家元人擅此者少當與張翥庵稱雙美可與知者道也

奪錦標

奪錦標曲世所傳者惟僧仲殊一篇而已子每浩歌尋繹音節因欲效顰恨未得佳

趣耳庚辰卜居建康暇日訪古采陳後主張貴妃事作樂府青溪怨

霜水明秋霞天送晚畫出江南江北滿目山圍故國三
閣餘香六朝陳迹有庭花遺譜口哀音令人嗟惜想當
時天子無愁自古佳人難得 惆悵龍沉宮井石上啼
痕猶點胭脂紅濕去去天荒地老流水無情落花狼藉

恨青溪留在渺重城烟波空碧對西風誰與招魂夢裏
行雲消息

又得友人王仲常李文蔚書

孤影長嗟憑高眺遠落日新亭西北幸有山河在眼風
景留人楚囚何泣儘紛爭蝸角算都輸林泉閒適澹悠
悠流水行雲任我平生踪跡誰念江州司馬淪落天
涯青衫未免沾濕夢裏封龍舊隱經卷琴囊酒樽詩筆
對中天涼月且高歌徘徊今夕隴頭人應也相思萬里
梅花消息

水調歌頭

詠月

言絲衣卷一
二
銀蟾吸清露白兔搗元霜青天萬古明月中有物蒼蒼
想是臨風丹桂費盡斫雲玉斧秋藥自芬芳印透一輪
影吹下九天香怪霜娥才二八減容光蛾眉幾畫新
樣晚鏡爲誰妝見說開元天子曾到清虛僊府一曲聽
霓裳何事便歸去空斷舞鸞腸

又

初至金陵諸公會飲因用北州集咸陽懷古韻

蒼烟擁喬木粉雉倚寒空行人日暮回首指點舊離宮
好在龍蟠虎踞試問石城鍾阜形勢爲誰雄慷慨一尊
酒南北幾衰翁賦朝雲歌夜月醉春風新亭何苦流
涕興廢古今同朱雀橋邊野草白鷺洲邊江水遺恨幾

時終喚起六朝夢山色有無中

又 擬遊茅山贈心遠提點

三峯足雲氣萬壑散秋聲茅君曾此成道山與地俱靈
遙望蒼松紫檜疑是烟幢霧蓋冉冉下青冥鸞鶴故山
夢香火歲時情洞天開丹竈冷有遺經華陽自古招
隱飛煉得長生慙愧山中宰相便許綸巾鶴氅相對聽
吹笙何處滄浪水吾亦濯塵纓

又 夜醉西樓爲楚英作

雙眸翦秋水十指露春蔥仙姿不受塵汚縹緲玉芙蓉
舞徧柘枝遺譜歌盡桃花團扇無語到東風此意復誰

解我輩正情鍾 喜相從詩卷裏酒杯中
纏頭安用三萬自有海犀通
日日東山高興夜夜西樓好夢斜月小
簾櫳何物寫幽思醉墨錦箋紅

水龍吟

么前三字用仄者見田不伐洋嘯集水龍吟二首皆如此曲妙於音蓋口無疑或用

平字恐不堪協雲和署樂工宋奴伯婦王氏以洞簫合曲宛然有承平之意乞詞於子故作以贈會好事者爲王氏寫真末章及之

綵雲蕭史臺空洞天誰是驂鸞伴
傷心記得開元遊幸連昌別館
力士傳呼念奴供唱阿郎吹篴
悵無情一枕繁華夢覺流年又暗中換
邂逅京都兒女歡遊徧畫樓東畔
樽前一曲餘音嫋嫋驪珠相貫
日落邯鄲月明

燕市儘堪腸斷倩丹青細染風流圖畫寫崔徽半

又登岳陽樓感鄭生龍女事讀大曲蒲羅

洞庭春水如天岳陽樓上誰開宴飄零鄭子危欄倚遍
山長恨遠何處蘭舟彩霞浮漾笙簫一片有蛾眉起舞
台榭凝睇分明是舊仙媛風起魚龍浪捲望行雲飄
然不見人生幾許悲歡離聚情鍾難遣問道當時凡人
能誦招魂九辯又何如乞我輕綃數尺寫湘中怨

又遣山先生有醉鄉一詞僕飲量素怪不知其趣
獨閒居嗜睡有味因爲賦此

醉鄉千古人行看來直到亡何地如何物外華胥境界
昇平夢寐鸞馭翩翩蝶魂栩栩俯觀羣蟻恨周公不見

詩經補遺卷十六
班生一去誰真解黑甜味 聞道希夸高卧占三峰華
山重翠尋常羨殺清風嶺上白雲堆裏不負平生算來
惟有日高春睡有林間剝啄忘機幽鳥喚先生起

又 用前韻贈答光輔

倚闌千里風烟下臨吳楚知無地有人高枕樓居長夏
晝眠夕寐驚覺游倦紫毫吐鳳玉觴吞蟻更誰人似得
淵明太白詩中趣酒中味 慙愧東溪處士待他年好
山分翠人生何苦紅塵陌上白頭浪裏四壁窗明兩盂
粥罷暫時打睡儘聞雞祖述中宵狂舞蹴劉琨起

又 予始賦詩詞諸公贊和三十餘首一日友人王
文卿攜簡來訪語及梁園舊遊因感其事復用

前韻

萬金不買青春老來可惜歡娛地有時記得江樓深夜
解鞍留寐蘭焰噴虹寶香薰麝玉階笏蟻更誰能細說
當年風韻江瑤柱荔枝味漂泊江湖萬里渺難尋採
菱拾翠何心更到折枝圖上賣花聲裏蓬鬢刁騷角巾
敲墮枕書聊聽恨恩恩未辦尊鱸歸棹又秋風起

念奴嬌

題鎮江多景樓用坡僊韻

江山信美快平生一覽南州風物落日金焦浮紺宇鐵
甕猶殘城壁雲擁潮來水隨天去幾點沙鷗雪消磨不
盡古今天寶人傑遙望石塚嶢然參軍此塋萬劫誰

能發桑梓龍荒驚嘆後幾度生靈埋滅往事休論酒杯
纔近照見星星髮一聲長嘯海門飛上明月

又 中秋效李敬齋體每句用月字

一輪月好正人間八月涼生襟袖萬古山河歸月影表
裏月明光透月桂婆娑月香飄蕩修月香人手深沉月
殿月蛾誰念消瘦 今夕乘月登樓天低月近對月能
無酒把酒長歌邀月飲明月正堪爲友月向人圓月和
人醉月是承平舊年年賞月願人如月長久

又

江湖落魄鬢成絲遙憶揚州風物十里樓臺簾半捲玉

女香車鉤壁后土祠寒唐昌花盡誰弄瓊枝雪山川良
是古來銷盡雄傑落日烟水茫茫孤城殘角怨入清
笳發岸簾扁舟人不寐柳外漁燈明滅半夜潮來一帆
風送凜凜森毛髮乘流東下玉簫吹落殘月

又 壬戌秋泊漢江鴛鴦灘寄贈

露闌漸冷又今年孤負中秋明月誰念江干憔悴我夢
斷芙蓉城闕燕子東歸鴻賓南下滿眼蘆花雪行人何
處也應珠淚凝曉常記樓上歌聲一尊酒盡默默無
言別恨殺鴛鴦灘下水不寄題詩紅葉聚淚鮫綃畫眉
螺黛總在歸時節百年心事等閒休向人說

滿江紅

庚戌春別燕城

雲鬢犀梳誰似得錢塘人物還又喜小牕虛幌伴人幽
獨薦枕恰疑巫峽夢舉杯忽聽陽關曲問淚痕幾度浥
羅巾長相續南浦遠歸心促春草碧春波綠黯銷魂
無際後歡難卜試手牕前機織錦斷腸石上簪磨玉恨
馬頭斜月減清光何時復

又重陽後二日王彥文並利用秦山甫相過小飲

過了重陽寒慘慘秋陰連日尙何事滿城風雨漏天如
泣點染一林紅葉暗飄蕭三徑黃花溼聽敲門忽有客
三人來相覓時節好誇橙橘兒女喜分梨栗罄一尊

聊慰老懷岑寂想像曾來神女賦傷心似失文通筆破
殘年催釀酒如川長鯨吸

瑞鶴仙

登金陵烏衣園來燕臺

夕陽王謝宅對草樹荒寒亭臺敲側烏衣舊時客渺雙
飛萬里水雲寬窄東風羽翅也迷却當時巷陌向尋常
百姓人家孤負幾回春色 悽惻人空不見畫棟棲香
繡簾窺額雲兜霧隔錦書至付誰拆劉郎只見慣金陵
與廢贈得行人鬢白又爭如復到元都覓葵燕麥

木蘭花慢

燈夕到維揚

壯東南形勝淮吐浪海吞潮記此日江都錦帆巡幸汴

水迢迢迷樓故應不見口瓊花底事也香消興廢幾更
王霸是非總付漁樵誰能十萬更纏腰鶴馭儘飄飄
正繡陌珠簾紅燈闌影三五良宵春風竹西亭上拌淋
漓一醉解金貂二十四橋明月玉人何處吹簫

又

聽鳴騶入谷怕驚動北山猿且放浪形骸支持歲月點
檢田園先生結廬人境竟不知門外市塵喧醉後清風
到枕醒來明月當軒伏波勲業照青編薏苡又何冤
笑蕞爾倭奴抗衡上國挑禍中原分明一盤棋勢謾教
人著眼看師言爲問鵬鵬瀚海何如雞犬桃源

江梅引

一溪流水隔天台。小桃栽爲誰開。應念劉郎早晚得重
來。翠袖天寒憔悴損。倚修竹。口殘紅。墮綠苔。怨極恨
極愁更哀。甚連環無計解。百勞分背燕飛去。雲樹蒼崖
口口千里何處託幽懷。溫嶠風流還自許。後期杳。口塵
生玉鏡臺。

秋色橫空 贈虞美人草

兒女情多甚。千秋萬古不易消磨。拔山力盡英雄困。咳
下尙擁兵戈。含紅淚。顰翠蛾。拌血污遊魂。逐太阿草也。
風流猶弄舞態婆娑。當時夜聞楚歌。嘆烏騅不逝。恨

滿山河匆匆玉帳人東去耿耿素志無他黃陵廟湘水
波記染竹成斑口舜娥又豈止虞兮無可奈何

滿庭芳

虞欲作茶詞未暇也近選宋名公樂府黃
賀陳三集中凡載滿庭芳四首大槩相類

互有得失復雜用無寒剛先韻而語意若不
儉僕不揜狂斐合三家奇句試爲一首必有
能辨之者

雅燕飛觴清談揮塵主人終夜留歡密雲雙鳳碾破縷
金團口品香泉味好須臾看蟹眼湯翻銀瓶注花浮甕
枕雪點鷓鴣斑雙鬢微步穩春纖擎露翠袖生寒覺
清風扶我醉玉頰山照眼紅紗畫燭吟鞭送月滿銀鞍
歸來晚芸牕未寢相伴小妝殘

綠頭鴨

洞庭懷古

黯銷凝楚天風物淒清過黃陵山長水遠古今遷客傷
情渺澄波聚魚曲港浣紗人去掩柴荆洞庭晚荻花風
細秋月照茅亭一壺酒澆平磊砢問甚功名買扁舟
安排歸去五湖烟景誰爭等閒攜手飄西子恍惚遇鼓
瑟湘靈看盡嬌顰聽殘雅奏暮雲江上數峰青艸樓底
香芹鮮鯽還似越中行閒身好浮家泛宅聊寄平生

永遇樂

至元辛卯春二月三日同李景安提舉遊
杭州西湖

一片西湖四時烟景誰暇遊遍紅袖津樓青旗柳市幾
處簾爭捲六橋相望蘭橈不斷十里水晶宮殿夕陽下

笙歌人散唱徹採菱新怨 金明老眼華胥春夢腸斷

故都池苑和靖祠前蘇公堤上設把梅花撚青衫儘耐
濛濛雨濕更著小蠻鍼線覺平生扁舟歸興此中不淺

玉漏遲

故園風物好芳尊日日花前傾倒南浦傷心望斷綠波
春草多少相思淚點算只有青衫知道殘夢覺無人解
我厭厭懷抱 悵惱楚峽行雲便賦盡高唐後期誰報
玉杵元霜著意且須重搗轉眼梅花過也又屈指春殘
燈闇妝鏡曉應念畫眉人老

水龍吟

九日同諸公會飲鍾山望草堂有感

倚天鍾阜龍蟠四時青壁雲烟潤陂陀十里蒼髯夾路
清風緩引蘭若西邊草堂別庵遺基猶認自猿驚鶴怨
山人去後誰更向此中隱獨愛丹厓碧嶺枕平川人
家相近登臨對酒茱萸香細莓苔坐穩老計免裘故應
來就林泉佳處怕烟霞笑我塵容俗狀把山英問

點絳脣

翠水瑤池舊游曾記飛瓊伴玉笙吹斷總作空花觀

夢裏關山淚浥羅巾滿離魂亂一燈幽幔展轉秋宵半

清平樂

木犀

碧雲葉底萬點黃金蕊更看薔薇清露洗澤國秋光如

水 餘生牢落江南幽香鼻觀曾參見說小山招隱夢
魂夜夜雲嵐

又

筇篹朱字夢覺參差是不種仙家白玉子著甚消口好
事 桃花門外重重一言半語相通縈損題詩崔護幾
回南陌春風

西江月

九江送劉牧之同知之杭

我自紉蘭爲佩君方剖竹分符才情風調有誰如彷彿
三生小杜 置酒昔登峴首題詩今對匡廬青衫恨不
到西湖共濕黃梅細雨

賣花聲

青瑣幾窺容帶結。心同臨鶯。誰與畫眉峰。自恨尋芳來較晚。辜負春紅。無物比情濃。無計相從。殷勤心事若爲通。留得青衫前日淚。彈滿西風。

玉漏遲

碧梧深院。悄清明過也。秋千闌了。楊柳陰中。又是一番啼鳥人去。瑤臺路遠。辜負却花前歡笑。音信杳。西樓盡日凭闌凝眺。縹緲霧閣雲牕。恨夢斷青鸞。夜深寒峭。檐玉敲殘。捱得五更風小。麝炷金猊。燼冷畫燭。短銀屏空照。芳徑曉。惆悵落紅多少。

垂楊

關山杜宇甚年年
喚得春光歸去
怕上高城望遠烟水
迷南浦
賣花聲動天街曉
總吹入東風庭戶
正紗窗濃睡
覺來驚翠蛾愁聚
一夜狂風橫雨
恨西園媚景
勿勿難駐
試把芳菲檢點
鶯燕渾無語
玉纖空折梨花撚
對寒食
懨懨心緒
試問東君
落花誰是主

水龍吟

雜揚途中遇雨

短亭休唱陽關柳
絲惹盡行人怨
鴛鴦隻影
枯荷帶淡沙寒水淺
紅綬雙銜玉簪中斷
苦難留戀
更黃花細雨
征鞍催上青衫淚
一時潑
回首孤城
不見黯秋空
去

鴻一線情緣未了誰教重賦春風人面闌草間庭采香
幽徑舊曾行遍設今宵酒醒無言有恨恨天涯遠

沁園春

呂道山左丞相過金陵別業

流水高山獨許鍾期最知伯牙愧我投水李得酬瓊玖
人驚玉樹肯倚蒹葭風雨十年江湖千里望美人兮天
一涯重攜手似仲宣去國江令還家門前柳拂堤沙
便好繫天津泛斗槎看金鞍鬧簇花邊置酒玉盃旋洗
竹裏供茶朱雀橋荒烏衣巷古莫笑斜陽野草花寒食
近算人生行樂少住還佳

摸魚兒

七夕用嚴柔濟韻

問雙星有情幾許消磨不盡今古年年此夕風流會香
暖月牕雲戶聽笑語知幾處綵樓瓜果祈牛女蜘蛛絲暗
度似拋擲金梭縈回錦字織就舊時句 愁雲暮漠漠
蒼烟挂樹人間心更誰訴擘釵分鈿蓬山遠一樣絳河
銀浦烏鵲渡離別苦啼妝灑盡新秋雨雲旂且駐筭猶
勝嫦娥倉皇奔月只有去時路

又 真定異塵堂同諸公晚眺

做青紅水邊牕外登臨元有佳趣薰風蕩漾昆明錦一
片荷花無數纔欲語香暗度紅塵不到蒼烟渚多情鷗
鷺儘翠蓋搖殘紅衣落盡相與伴風雨 橫塘路好在

吳兒越女扁舟幾度來去採菱歌斷三湘遠寂寞岸花
汀樹天已暮更留看飄然月下凌波步風流自許待載
酒重來淋漓醉墨爲寫洛神賦

又 李具瞻侍御借過天慶觀訪蒲敬之都事旣而登冶城觴詠樂甚

望參差冶城烟雨故人知在琳宇繡衣來就論文友隨
意割雞炊黍歡樂處忘爾汝清談况有神仙侶一杯緩
舉放遠日增明遙岑出翠俯仰幾今古紅塵夢不到
丹臺紫府尋真偶得佳趣兩株翠柏參天起千畝渭川
烟雨君已許向此地結亭爲我開窗戶朝來莫去待細
攬烟霞平分風月揮灑錦囊句

又 用前韻送敬之卜居淮上

聽西風細吟亭樹秋聲先到衡宇
季鷹千里莼鱸興更喜范張雞黍
傾蓋處慚愧汝高樓不見烟霞侶
匏尊笑舉對得意江山忘懷風月
醉眼翫今古鑿坡客又向紅蓮幕
府田園何日成趣九重聞道思賢
佐恐要濟時霖雨天若許從所好
結廬相就開蓬戶山人休去怕蕙
帳空懸猿驚鶴怨胎笑草堂句

曹光輔

官教授附見白樸天籟集

水龍吟

和白仁甫睡詞用元遺山醉鄉詞韻

世間清苦禪和了心才到安閒地
藜牀兀兀經年打坐

頽然假寐却甚牀邊偶聞牛鬪不知喧蟻怪藤條臨濟
饑餐困卧方會得箇中味 爭似橫江樓上入簾櫳好
山供翠悠悠萬事從今都付黃梁炊裏朝暮陰晴定應
不廢平生甘睡笑傍人問我何當夢覺爲蒼生起

李仁山

附見天
籟集

名儒草堂詩餘載王夢應壽李仁山錦堂春
詞云淺幘分秋涼樽試月西風未雁猶蟬看
芙蓉影裏綠鬢年年日上雲帆壓海塵清玉
馬行天更烟樓鳳舉風幕麟遊錦後珠前
綠陰池館如畫記晴春藥徑雨曉芝田已辦
十年笑語小聚雲邊舞裙香圍豔雪歌遲酒
落紅船早羣仙醉去柳掖花扶似霧非烟

清平樂

次韻白仁甫蟠桃梅 自注蟠桃來自杭
和靖詩句得于孤山也

言部系不與卷一
瑤英輕灑姑射飄仙駕巧奪孤山能變化天嬌飛來白
下絕憐玉骨清姿不隨紅紫芳時要識天然標格竹
籬茅舍橫枝

釋志璉

字仲璋自號山泉道人俗姓閩
性嗜酒滑稽玩世附見天籟集

念奴嬌

九日述懷

消磨九日笑年年惟有黃花白酒把酒簪花能有幾七
十光陰回首人壽難期酒盃有限花色應如舊花穠酒
醖問君著甚消受彭澤千古英雄有花能折有酒能
傾否萬事悠悠輸一醉花酒休教離手明月西風闌珊
酒盡憔悴花枝瘦酒腸花眼正宜年少時候

王壽

一作壽字知明咸陽人棄家學道自號重陽子大定中於寧海州立三教平等會以孝經心經老子教人諷誦自名其教

爲全真元典之後其教益盛

都卯三餘贅筆道家有南北二宗南宗自東華少陽君得老聃之道以授漢鍾離權權授唐進士呂巖巖進士劉操操授宋張伯端伯端授石泰泰授薛道光道光授白玉蟾玉蟾授彭伯北宗自呂巖授王嘉嘉授七弟子其一邱處機次談處端次劉處元次王處一次郝大通次馬珏及珏之妻孫不二此外又有所謂全真者其名始嘉蓋嘉大定中抵寧海州珏夫婦築庵事之題曰全真由是宗其道者皆號全真道士

如夢令

大道長生門戶幾個惺惺覺悟鉛汞緊收藏方始澄神

絕慮心慕心慕便趨蓬萊仙路

終南石刻署云承安五年重陽日終南山祖庭

靈虛觀主呂道安畢知常立石按終南山有重陽真人
親眷碑刻酌江月詞又大定已酉年寧海州學正范惲
所立重陽挂金燈詞碑亦在掖縣以其詞鄙俗置不復
錄

馬

鈺 號丹陽子
寧海州人

滿庭芳 唐括夫人索

冒雪行車迎風訪道投余特地叅同說些修養不論虎
和龍講甚嬰兒姪女無龜蛇日月交宮無水火亦無嗽
咽更沒按時功 的端真妙用無爲活計清淨家風鎖

心猿意馬勿縱狂蹤鍊息絲絲來往自然得子母和口

全性命紫書誥去直赴大羅宮

碑尾跋云靈源姑唐括
氏申國太夫人之女大

丞相文正公之妹可謂貴胄矣而自妙年嚮慕真風耽
味玄理大定壬寅春三月丹陽真人馬公行化過濰姑

徑往參禮斯道之妙已得其畧矣是年冬十一月又攜其夫子崇德往寧海之崑崙山再與丹陽師前懇其要訣師於是援筆授此詞其大旨鎖心猿意馬之狂蹤鍊清淨無爲之妙用姑乃渙然冰釋如開青天觀口口捧詞回轅徑還濰上卽其郡北申國夫人之舊第朔庵以居弄金珠之飾而頂幅巾釋綺羅之服而披麻衣謝膏粱之味而甘糲食盡屏塵口專志頤真其次子亦因丹陽詞訣雲遊訪道逮今七載而忘歸云云大定戊申孟冬望日中順大夫前定海軍節度副使東平吳似之跋按石刻在濰縣玉清宮

無名氏

浩然齋雅談金貞祐中太原已受兵人情洶洶府治宣詔亭壁上忽有此詞蓋鬼詞也

減字木蘭花

并州霜早禾黍離離成腐草馬困人疲惟有郊原雀鼠肥
分明有路好逕衡陽征雁去鼓角聲中全晉山河

一半空

詞綜補遺卷十六